

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj: 02-05-1216/08

I Z V J E Š T A J

Općinskog načelnika o radu općinskih službi za upravu i drugih službi za 2008.godinu

UVODNI DIO

Osnov za izradu izvještaja sadržan je u članu 98. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05). U stavu 1. člana 98. propisano je da: „organi uprave i upravne organizacije odgovorni su organu zakonodavne vlasti za zakonito, potpuno, efikasno i profesionalno obavljanje iz svoje nadležnosti“, a u stavu 3. istog člana propisana je obaveza da: „organi uprave i upravne organizacije obavezni su na zahtjev organa zakonodavne vlasti podnositi izvještaje o svom radu o stanju u odnosnoj oblasti i o izvršavanju zakona i drugih propisa“

U smislu člana 49. navedenog zakona: „općinski organi uprave su općinske službe za upravu (stav 1.). U smislu stava 2. istog člana: „općinske službe za upravu mogu se osnivati u okviru jedinstvenog općinskog organa uprave“. Odlukom Općinskog vijeća Zavidovići o organizaciji i nadležnosti organa uprave osnovan je jedinstveni općinski organ u koji su ušle sve službe za upravu i posebne službe. Općinski načelnik rukovodi svim službama za upravu i u tom pogledu ima ovlaštenja utvrđena ustavom, zakonom, statutom općine i drugim propisima (član 62. Zakona).

Zakon o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06), regulisano je u članu 22.: „načelnik dužan je da redovno informiše vijeće o ostvarivanju političke jedinice lokalne samouprave“, a članom 46. Statuta općine Zavidovići („Službeni glasnik općine Zavidovići“, broj 5/08 i 5a/08), propisana je obaveza da: „općinski načelnik podnosi izvještaj o ostvarivanju politike općine i o svojim aktivnostima najkasnije do 31.marta tekuće godine za prethodnu kalendarsku godinu“.

Općinski organi uprave, odnosno službe za upravu i posebne službe, obavljali su poslove i zadatke koji su utvrđeni ustavom, zakonima i drugim propisima iz nadležnosti jedinica lokalne samouprave, te Programom rada Općinskog vijeća za 2008.godinu i Programom rada Općinskog načelnika za 2008.godinu. Zato će ovaj izvještaj sadržavati osnovne pokazatelje realizacije usvojenih programskih aktivnosti.

Budžet općine Zavidovići za 2008.godinu, njegova realizacija u smislu prihoda i rashoda, neće biti obuhvaćena ovim izvještajem. Izvještaj o izvršenju budžeta za prethodnu godinu bit će dostavljen Općinskom vijeću u roku iz člana 73. Zakona o budžetima u Federaciji Bosne i Hercegovine i taj izvještaj sadržavat će elemente propisane članom 74. navedenog Zakona. Prema Programu rada Općinskog vijeća Zavidovići za 2009.godinu, taj izvještaj je planiran za razmatranje u mjesecu maju tekuće godine.

Poslovi i zadaci inspeksijskog nadzora neće biti obrađeni u ovom izvještaju, jer je planirano da se taj izvještaj razmatra u februaru 2009.godine na nivou Općinskog vijeća i Općinskog načelnika.

Ta je obaveza propisana članom 132. Zakona o organizaciji organa uprave u Federaciji Bosne i Hercegovine.

Stanje upravnog rješavanja u organima uprave neće biti predmet obrade u ovom izvještaju, jer je planirano da taj izvještaj razmatra Općinsko vijeće shodno članu 294. Zakona o upravnom postupku.

U toku 2008. godine na dan 31.12.2008. godine, u organima uprave bilo je zaposleno 112 radnika, dok je na dan 31.12.2007. godine bilo zaposleno 96 radnika. U toku 2008. godine primljeno je još 10 (deset) uposlenika, a od toga devet uposlenika u Profesionalnu vatrogasnu jedinicu i 1 (jedan) uposlenik sa srednjom stručnom spremom, a isti su zasnovali radni odnos od 01.01.2009. godine, što znači da je ukupan broj 122 zaposlenika. Od toga broja, radni odnos je prestao u februaru 2009. godine dvojici pipravnika, tako da je broj zaposlenih na dan 01.03.2009. godine 120 zaposlenika. Svi podaci dati su na osnovu evidencije Matične knjige zaposlenih organa uprave Općine Zavidovići koja se vodi od 1955. godine. Obrazovna struktura u organima uprave je slijedeća: sa VSS zaposleno je 35 radnika, sa VŠS zaposleno je 8 radnika, sa SSS zaposleno je 70 radnika, sa nižom školskom spremom (KV, PK i NK) zaposleno je 7 radnika. U toku 2008. godine zaključeno je ugovora o volonterskom radu sa 5 radnika.

U 2008. godini Agencija za državnu službu u Federaciji Bosne i Hercegovine organizovala je seminare za državne službenike u cilju edukacije državnih službenika. Ostaje problem kako i na koji način organizovati edukaciju za namještenike kojih je više od 50% zaposlenih u organima uprave.

U 2009. godini ostaje obaveza da se i namještenici stručno osposobljavaju za obavljanje poslova i zadataka svog radnog mjesta. Stručno osposobljavanje namještenika treba organizovati u okviru jedinstvenog organa uprave na osnovu programa obuke.

U 2008. godini Općina Zavidovići je u mjesecu oktobru dobila Certifikat ISO 9000-2001. Obaveza je u tekućoj godini da se standardi kvaliteta dosljedno primjenjuju u radu organa uprave.

Privatni sektor može samostalno i u saradnji sa javnim sektorom stvarati uslove za brži razvoj poduzetništva. Postoji više razloga da se osnove javnog i privatnog sektora, odnosno njihova saradnja u tekućoj godini postavi na nove osnove. Ti razlozi su:

1. Budžetski pritisci koji zahtijevaju aktivnosti na smanjenju troškova, poboljšanom prikupljanju javnih prihoda i finansiranje izgradnje infrastrukture, pritisci građana kao potrošača za većim obimom i boljim kvalitetom javnih usluga, te pritisci koji se javljaju usljed nedovoljnih kapaciteta javnog sektora da odgovori na zahtjeve građana,

2. Projekti javnog i privatnog partnerstva su dinamično polje djelovanja. Već duže vremena se primjenjuju u raznim sektorima u velikom broju zemalja EU. Zemlje članice EU danas implementiraju na osnovu javnog i privatnog partnerstva projekte iz oblasti vodosnabdijevanja, tretman otpadnih voda, upravljanje čvrstim otpadom, održavanje javne rasvjete, zaštite okoline i druge aktivnosti.

Naveli smo dva razloga. Ima ih više. U 2008. godini odnos javnog i privatnog partnerstva bio je takav da je javni sektor (Općina Zavidovići) stvarao uslove za razvoj privatnog sektora. Kroz aktivnosti objave konkursa za dodjelu neizgrađenog gradskog građevinskog zemljišta radi građenja i na taj način su se provodili usvojeni prostorno-planski dokumenti.

Izrada prostorno-planskih dokumenata u 2008. godini je u neposrednoj vezi sa ostvarivanjem cijena u pogledu razvoja poduzetništva. Izradom prostorno-planskih dokumenata stvaraju se uslovi da se privatni sektor aktivno uključi u rješavanje problema kvalitetne izgradnje građevina i na taj način da se stvore uslovi za kvalitetno stanovanje i poslovno okruženje. Tako je u 2008. godini usvojeno nekoliko prostorno-planskih dokumenata, a što će biti obrađeno kroz rad Službe za upravu geodetskih, imovinsko-pravnih poslova i urbanizam.

U izvještaju o radu za 2007. godinu konstatovali smo da je realizacija Odluke o bratimljenju sa općinom RONCADELLE, Republika Italija, bila u 2007. godini. U 2008. godini na sjednici Općinskog vijeća Zavidovići usvojena je Odluka o bratimljenju Općine Zavidovići, Bosna i Hercegovina, sa gradom WILTZ – Veliko Vojvodstvo Luxemburg. Treba u tekućoj godini raditi na realizaciji obaveza koje proizilaze iz usvojenih odluka.

Općina Zavidovići je kontinuirano članica Saveza općina i gradova Federacije Bosne i Hercegovine. Načelnik općine je član Predsjedništva Skupštine Saveza općina i gradova Federacije Bosne i Hercegovine i u tom svojstvu dao je izvanredan doprinos radu Predsjedništva.

U izvještaju će se dati najosnovnije aktivnosti službi za upravu i posebnih službi za 2008. godinu.

1. SLUŽBA ZA UPRAVU EKONOMSKIH POSLOVA I PODUZETNIŠTVO

PODUZETNIŠTVO

Polazeći od principa da lokalna vlast mora biti u funkciji biznisa, a ne prepreka njegovom razvoju, aktivnosti Službe su se usmjerile na nekoliko ključnih elemenata za stvaranje povoljnijeg poslovnog ambijenta:

- redovno su ostvarivani kontakti sa poduzetnicima i upravljačkim strukturama, razmatrane njihove inicijative, prijedlozi i sugestije,
- u cilju realizacije planova i prakse direktne podrške aktivnostima poslovnog sektora početkom 2006. godine kroz izmjene i dopune važećih odluka kojim se regulišu komunalna taksa, komunalna naknada, KGZ i naknada za zauzimanje javnih površina izvršeno je umanjeње ovih naknada za oko 50%. To umanjeње je važno i tokom 2008. godine,
- koordinirane su aktivnosti na implementaciji Strategije ekonomskog razvoja općine Zavidovići, koja je, kao kapitalni dokument koji definiše strateška opredjeljenja i smjernice razvoja općine Zavidovići, tokom 2008. godine implementirana u dijelu koji je bio planiran za tu godinu,
- provedene su kompletne aktivnosti na zaživljavanju razvojne agencije RAZ, kao jednog od ključnih alata lokalnog ekonomskog razvoja,
- u kontaktima sa drugim općinama i višim nivoima vlasti kontinuirano su traženi načini na poboljšanje efikasnosti kao i sposobnosti Službe da pruži dodatne usluge, postojeće učini što dostupnijim, a vežeće procedure što jednostavnijim i kraćim, a sve u skladu sa usvojenom politikom kvaliteta općine Zavidovići. Navedena nastojanja se odnose na procedure izdavanja rješenja o ispunjavanju minimalnih tehničkih uslova za obavljanje samostalne djelatnosti, ako i procedure koje su propisane u postupku regulisanja svih statusnih promjena koje se odnose na obavljanje djelatnosti građana, ovjeravanja trgovačkih knjiga, ovjeravanja autobusnih linija javnog saobraćaja itd.

Dosadašnji rezultati i praksa u stvaranju povoljnih uslova za poslovanje naših privrednih subjekata i partnerstvo sa njima obavezuje nas na još bolje organizovanje, podršku i konkretne aktivnosti u cilju otklanjanja prepreka za brži razvoj poduzetništva, a time i lokalne zajednice.

PREGLED REALIZACIJE PROJEKATA KAPITALNIH ULAGANJA KOJI SE FINANSIRAJU IZ BUDŽETA ZENIČKO-DOBOJSKOG KANTONA I BUDŽETA OPĆINE ZAVIDOVIĆI

Planom kapitalnih ulaganja Vlade Zeničko-dobojskog kantona za 2008. godinu u oblasti putne infrastrukture planirana su novčana sredstva u iznosu 1.100.000,00 KM.

Ugovorena vrijednost radova za projekte putne infrastrukture iznosi 1.449.982,76 KM. od čega je iznos od 1.070.417,55 KM sredstva Ze-do kantona, a učešće Općine Zavidovići je 379.565,21 KM. Do sada su realizovani ugovori u vrijednosti 1.318.822,27 KM. Realizacija preostalih ugovora je u završnoj fazi. Troškovi nadzora iznose 29.582,45 KM.

Odustalo se od realizacije projekta «Rekonstrukcija puta Vozuća.Crnjevo» iz razloga što nije pribavljeno odobrenje za građenje koje je preduslov za zaključenje Ugovora (dužina trajanja postupka rješavanja imovinsko-pravnih odnosa).

Planom kapitalnih ulaganja i Programom utroška sredstava vodnih naknada Vlade Zeničko-dobojskog kantona za 2008.godinu u oblasti vodnih objekata planirana su novčana sredstva u iznosu 355.000,00 KM. Ugovorena vrijednost radova za vodne objekte iznosi 229.074,92 KM, od čega je iznos od 217.257,20 KM sredstva Ze-do kantona, a učešće Općine Zavidovići 11.817,72 KM. Do sada su realizovani ugovori u vrijednosti 92.074,59 KM. Realizacija preostalih Ugovora je u toku. Izostala je realizacija sljedećih projekata u oblasti vodnih objekata i to: Izgradnja vodovoda Kuljani-Bare, Rekonstrukcija vodovodne mreže u naselju Vozuća, Izgradnja kanalizacione mreže u naselju Podubravlje i Izgradnja vodovoda Paljika-Kosice. Razlog izostajanja realizacije pomenutih projekata su nepribavljena odobrenja za građenje za navedene objekte (dužina trajanja postupka rješavanja imovinsko-pravnih odnosa), što je bio preduslov za zaključivanje ugovora.

Prema Planu kapitalnih ulaganja Ministarstva za obrazovanje, nauku, kulturu i sport ZE-DO kantona, obezbijeđena su finansijska sredstva za dva projekta i to:

- Izgradnja školske fiskulturne sale-II faza izgradnje
- Sanacija kotlovnice u O.Š. Vozuća

Protokolom o zajedničkom učešću u realizaciji kapitalnih ulaganja Ministarstva za obrazovanje, nauku, kulturu i sport Ze-do kantona planirana je izgradnja školske fiskulturne sale-II faza izgradnje, za potrebe srednjih škola: Opću gimnaziju Zavidovići i Srednju stručnu školu Zavidovići, u iznosu 150.000,00 KM. Nakon provedenog postupka dodjele ugovora o javnoj nabavci, dodijeljen je ugovor najuspješnijem ponuđaču, sa ugovorenom vrijednošću radova u iznosu 214.401,50 KM. Radovi su u toku.

Dodijeljen je Ugovor za sanaciju kotlovnice u OŠ «Vozuća», sa ugovorenom vrijednošću radova 58.378,68 KM. Realizacija Ugovora je u toku.

Osim projekata koji se realizuju u okviru Plana kapitalnih ulaganja, realizovani su sljedeći projekti:

- Izgradnja dječijeg igrališta na lokaciji «Iza radio-stanice Zavidovići», sredstvima Turskog bataljona u iunosu cca 50.000,00 KM;
- Izgradnja kanalizacija: «Džebe-Ridžali», «Podubravlje», «Handžića potok», «Dubravica», «Potklečje»,
- Izgradnja puta Grlići-Borosi-Jašarevići
- Sanacija fasada zgrada kolektivnog stanovanja
- Izgradnja vodovoda Stavci-Gornji Kovači (zajednički projekat Općine i Fondacije za Održivi razvoj)
- Izgradnja javne rasvjete Pašin Konak
- Izgradnja javne rasvjete Brezik
- Sanacija vodovodne linije u ulici Stjepana Radića

Za sve projekte finansirane javnim sredstvima provedena je procedura dodjele ugovora o javnoj nabavci u skladu sa Zakonom o javnim nabavkama Bosne i Hercegovine.

EKOLOGIJA

U izvještajnom periodu terenskim obilascima bio je obuhvaćen veći dio općine Zavidovići, naročito dijelovi grada, ali i slivovi rijeka Krivaja i Gostović, a posebno izletišta Maoča i Kamenica, gdje je dolazilo do većih ili manjih narušavanja životne sredine. Redovno su poduzimane preventivne mjere i radnje protiv osoba koje su kršile komunalni red. Obilježeni su značajni datumi iz ove oblasti (22. mart – Dan voda, 22. april – Dan planete Zemlje (učestvovalo 160 učesnika), 5. juni – Dan životne sredine), koji se obilježava širom svijeta. Za vrijeme obilježavanja 1. maja 2008. godine u izletištu Kamenica sa volonterima UG SNIK „Atom“ vršena je naplata ekološke naknade. Ponovo su sva ubrana sredstva iskorištena u svrhu čišćenja površina ovog izletišta, odnosno za prikupljanje i odvoz prikupljenog smeća u Kamenici na deponiji Ekonomija. U saradnji sa predsjednikom Mjesne zajednice „Rujnica“ utvrđene su deponije smeća na području iste mjesne zajednice, raspisan Javni poziv za sanaciju, te su sve i sanirane. Nakon toga, Savjet MZ „Rujnica“ donio je Odluku o organizovanom prikupljanju kućnog i drugog otpada te redovnom odvoženju prikupljenog otpada na Gradsku deponiju. Na ovaj način proširili smo broj vanurbanih mjesnih zajednica koje će u narednom periodu organizovano vršiti prikupljanje i odvoz otpada na Gradsku deponiju. Sanirano je i nelegalno deponovano smeće na području mjesne zajednice „Dubravica“ – naselje Alići (ispod pruge uz obalu rijeke Bosne) i u saradnji sa OŠ „Vožuća“ manja deponija otpada u MZ „Maoča“ – naselje Grgići (lijeva obala rijeke Krivaje). Sa imamom Gradske džamije i savjetima MZ „Asim Čamdžić“ i „Klek“, organizovano je čišćenje i uređenje mezarja «Žigići» i mezarja «Flos». Od oktobra mjeseca redovno je vršena kontrola pražnjenja kontejnera i održavanja kontejnerskih lokacija, te pražnjenja korpica za smeće.

Snimljene su nelegalne deponije smeća u naselju «3. km» - MZ «Klek» - desna obala rijeke Gostović i predložena sanacija istih, uz prethodno raspisivanje Javnog poziva za izvođenje radova. Pripremljen je prijedlog, a kasnije je vršen i nadzor prilikom postavljanja novih korpica za smeće i klupa za odmor. Pripremljen je prijedlog za ubiranje komunalne naknade građanima koji iz naše i drugih općina dnevno, vikendom ili višemjesečno kampuju pored rijeke Krivaje u naselju Maoča. Uzeto je učešće u implementaciji projekata nevladinih organizacija i na seminarima; «Zajedno za prirodu», «Čista životna okolina – zdrava voda», «Bijela knjiga aminetijalnih servisa u Zavidovićima», «Najljepši park, dvorište, voćnjak», «Čisti i lijepi Zavidovići», «Eksperimentalni sistem selektivnog prikupljanja otpada», a sa Općinom Žepče su razmijenjeni podaci o aktivnostima oko odlaganja otpada na Regionalnu deponiju «Moščanica». Sudjelovalo se u pripremi prijedloga postavljanja mini kugli na određenim parking prostorima i betoniranju pješačkih staza na javnim površinama.

STAMBENA OBLAST I NORMATIVNA DJELATNOST

Tokom 2008. godine, pored ostalog, Služba je radila na izradi rješenja i ugovora o korištenju stanova na kojim je Općina davalac stana na korištenje i izradi zaključaka o isplatama stanarina za romske porodice koje se nalaze u postupku iseljenja.

Što se tiče povrata stanova koji nisu vlasništvo Općine, a koji su korišteni za alternativni smještaj izbjeglih i raseljenih lica, svi stanovi su vraćeni njihovim vlasnicima, osim zanemarljivo broj stanova koji su predmet sudskog postupka zbog spora oko vlasništva.

Kada je u pitanju normativna djelatnost, osim redovnog rješavanja upravnih i vanupravnih predmeta, Služba je pripremila sljedeće akte:

- Revizija „Studije“ o izgradnji pješačkog mosta „DUGA“,
- Odluka o izmjenama i dopunama Odluke o fasadama,
- Odluka o izmjenama i dopunama Odluke javnim površinama,
- Odluka o izmjenama i dopunama Odluke o komunalnim taksama,

- Odluka o označavanju naziva, ulica, trgova, mostova i kućnih brojeva,
- Odluke o organizaciji i bezbjednosti saobraćaja na cestama Općine Zavidovići,
- Odluka o izmjenama i dopunama Odluke o javnom redu i miru,
- Nacrt odluke o izmjenama i dopunama Odluke o plaćanju naknade za korištenje gradskog građevinskog zemljišta.

2. SLUŽBA ZA UPRAVU DRUŠTVENIH DJELATNOSTI I OPĆU UPRAVU

Školstvo

U 2008. godini za akademsku 2007/08 godinu dodijeljeno je 40 općinskih stipendija redovnim studentima u ukupnom iznosu od 27.000,00 KM. Općinsku stipendiju dobili su svi studenti koji su aplicirali, a ispunjavali su uslove konkursa. Putem konkursa Ministarstva za obrazovanje, nauku, kulturu i sport ZDK-a, sa općine Zavidovići stipendije je dobilo 156 redovnih studenata sa ukupnim iznosom od 109.200,00 KM, a preko Ministarstva za boračka pitanja i izbjeglice stipendije je dobilo 112 studenata sa ukupnim iznosom od 122.800,00 KM. U 2008. godini započeta je izgradnja fiskulturne dvorane koju će koristiti i učenici Gimnazije «Rizah Odžević» i Srednje stručne škole.

Planom upisa učenika u prvi razred srednjih škola za šk. 2008/09. godinu omogućen je upis svim svršenim osnovcima, a nastavljene su i aktivnosti na uvođenju novih struka i zanimanja. Realizovan je i program obuhvata djece predškolske dobi predškolskim odgojem socijalnih kategorija. Kroz rebalans budžeta obezbijedena su sredstva za sufinansiranje troškova prijevoza učenika srednjih škola za decembar 2008. godine u iznosu od cca 10.000,00 KM.

Socijalna zaštita

Usvajanjem Zakona o socijalnoj zaštiti Javna ustanova Centar za socijalni rad Zavidovići je u znatnoj mjeri proširo svoju djelatnost, a najznačajnije je uvođenje stalne socijalne pomoći za ugrožene. Općinskim budžetom je obezbijedena znatno veća materijalna podrška. Tokom 2008. godine u saradnji sa Udruženjem građana «Veliki napredak» Zavidovići realizovani su projekti za sanaciju i izgradnju 8 kuća za najugroženije porodice, a na osnovu ukazanih potreba općina je samostalno pomogla u rješavanju još 6 stambeno ugroženih porodica. U saradnji sa Centrom za socijalni rad općina je na bazi doznačenih namjenskih sredstava od strane Kantona riješila još 3 stambeno ugrožene porodice.

Aprila 2008. godine Javna ustanova Centar za socijalni rad Zavidovići je blokiran račun zbog neizmirenih obaveza Ministarstva za rad, socijalnu politiku i izbjeglice ZDK prema domu za djecu i omladinu ometenu u razvoju Prijedor, gdje su smješteni štíćenici sa Općine Zavidovići. Deblokada računa je izvršena septembra 2008. godine uplatom sredstva od strane Kantona (170.000,00 KM) i Općine (75.155,95 KM).

Tokom 2008. godine nastavljeno je sa realizacijom projekta stambenog zbrinjavanja najugroženijih romskih porodica i izgrađeno naselje «Dolovi». U nove i uslovne stambene jedinice useljeno je 36 romskih porodica. U januaru 2009. godine priključena voda i struja.

Pravna pomoć građanima

U Službi za upravu društvenih djelatnosti i opću upravu – Viši stručni saradnik za pravna pitanja, u periodu od 03.01.2008. do 31.12.2008. godine, radio je na dobijanju urbanističke, građevinske i ostalih dozvola vezano za izgradnju 15 stambenih objekata za rješavanje stambenog pitanja romske populacije i 36 porodica je useljeno u 15 etažnih objekata, izvršen priključak struje i

vode, urađena Odluka i javni oglas za popunu upražnjenen pozicije predsjednika Upravnog odbora Centra za socijalni rad Zavidovići, urađen prijedlog Prečišćenog teksta o administrativnim taksama. Pravna pomoć u pismenom obliku pružena strankama 792 puta, a 200 stranaka je dobilo usmeni savjet. Obavljeno 150 vjenčanja u zgradi Općine Zavidovići, matičnim uredima u Hajderovićima, Pašin Konak, Gostović, Vožuća i van zgrade Općine Zavidovići u ugostiteljskim objektima.

Oblast kulture

JU «Centar za kulturu»

Na osnovu analize aktuelnog stanja u Javnoj ustanovi «Centar za kulturu» koja je urađena u toku 2008. godina, u skladu sa Zaključcima Općinskog vijeća, utvrđene su mjere za prevazilaženje prisutnih problema, što se posebno odnosilo na pitanje deblokade žiro računa Javne ustanove. Usvojenim Izmjenama i dopunama Budžeta općine Zavidovići za 2008. godinu obezbjeđena su sredstva za deblokadu računa u iznosu od 43.500,00 KM koja su i realizovana početkom 2009. godine. Izdavanja iz Budžeta općine Zavidovići za deblokadu računa JU omogućava stabilniju finansijsku situaciju Ustanove i njeno konkretnije angažovanje u kulturnim djelatnostima na nivou općine.

JU «Javna biblioteka»

Uvođenjem novog Transfera za JU «Javna biblioteka» u Budžetu za 2008. godinu, u visini od 6.500,00 KM obezbjeđena su sredstva za unaprjeđivanje rada Zavičajne zbirke pri JU i obogaćivanje knjižnog fonda Biblioteke, u skladu sa potrebama građana općine.

Okončana je aktivnost Javne ustanove na ulasku u informacioni sistem COBISS BiH, čime će biti unaprijeđen rad Ustanove u narednom periodu.

Kulturne manifestacije

U Budžetu općine Zavidovići za 2008. godinu došlo je do značajnog povećanja sredstava na Transferu za kulturne manifestacije u visini od 32.500,00 KM, što je omogućilo konkretniju finansijsku potporu udruženjima građana i javnim ustanovama iz oblasti kulture na realizaciji planiranih kulturnih manifestacija na nivou općine: «Proljeće u Zavidovićima», «Ljeto u gradu», «Raspjevana jesen», Bajramska akademija, Bajramsko sijelo, Božićni koncert, Izložbe likovnih radova zavidovičkih umjetnika.

Posebno treba naglasiti da su povećana izdavanja iz općinskog budžeta u prošloj godini za kulturne manifestacija omogućila kvalitetniju organizaciju 6. Kulturne manifestacije «Ljeto u gradu».

Oblast fizičke kulture i sporta

Iz budžetskih sredstava za fizičku kulturu i sport u 2008. godini, u visini od 172.000,00 KM, finansiran je rad 20 subjekata: 3 sportska saveza, 2 društva i 15 sportskih klubova (nogomet, mali nogomet, rukomet, košarka, atletika, kajak-kanu, invalidska odbojka, šah, planinari, speleolozi, tenis, karate, rafting, ženska odbojka).

Povećanje sredstava na Transferu za fizičku kulturu i sport u Budžetu općine za 2008. godinu, u odnosu na prethodnu budžetsku godinu, omogućeno je kvalitetnije finansiranje javnog interesa u sportu.

Iz planiranih budžetskih sredstava su sufinansirane i uspješno organizovane sportske manifestacije u 2008. godini: Izbor sportiste godine, Raftink na rijeci Krivaji, Međunarodna utrka

VIVICITTA, Košarkaški turnir VIVICITTA, Međunarodni turnir u sjedećoj odbojci, Mountain bike utrka «Zavidovići», Memorijal «Viktor Boban», «Čimburijada», Završni turnir OMNL, Male olimpijske igre, Ženski rukometni turnir, Karate turnir i Omladinska škola nogometa.

Omladinski nevladin sektor

Sa Transfera za podršku omladinskoj politici u 2008. godini sredstva u iznosu 12.000,00 KM usmjerena su na finansiranje omladinskih projekata udruženja građana i javnih ustanova: UG CeKER, UG «Plamen», SNIK «Atom», Radio-klub «Zavidovići», NK «Krivaja», Karate klub «Krivaja», UG žena Romkinja, RK «Krivaja», KBD «Zavidovići», UG «Sadnice mira», ŽOK «Zavidovići», MZ Lovnica, UG Pedago goga fizičke kulture, NK «Krivaja», Rafting klub, Prva OŠ, KUD «Krivaja», Opća gimnazija, ŽRK «Krivaja», UG Sportski ribolovaca. Projekti su uspješno realizovani i omogućili okupljanje i kreativan rad djece i mladih kroz njihova udruženja, škole i mjesne zajednice.

U saradnji sa resornim Ministarstvom ZE-DO kantona uspješno je realizovan Program obilježavanja «Dječije nedjelje» u 2008. godini u općini Zavidovići.

Mjesne zajednice

Izborna komisija za organizovanje i provođenje izbora za članove Savjeta mjesnih zajednica je raspisala i 18.05.2008. godine provela izbore u dvije Mjesne zajednice i to u Mjesnoj zajednici „Asim Čamdžić“ i Mjesnoj zajednici „Mahoje“, čime su u 20 Mjesnih zajednica izabrani članovi Savjeta mjesnih zajednica.

Izbori u Mjesnoj zajednici „Dolac“ nisu održani zbog nedovoljnog broja kandidata za članove Savjeta mjesne zajednice. Kako bi se prevazišao ovaj problem, pripremljena je Odluka o organizaciji i provođenju izbora za članove Savjeta mjesne zajednice „Dolac“, a u skladu sa novim Statutom općine Zavidovići.

Sa ciljem izrade Odluke o finansiranju Mjesnih zajednica, a na osnovu procjena Savjeta Mjesnih zajednica, izvršena je procjena broja stanovnika po Mjesnim zajednicama.

Prema raspoloživim podacima, na teritoriji općine Zavidovići, u 21 Mjesnoj zajednici u 255 naselja, živi oko 46593 stanovnika.

Budžetom općine Zavidovići u 2008. godini, planirana su sredstva u visini od 100.000,00 KM za redovan rad Mjesnih zajednica, što je u odnosu na planirana sredstva za 2007. godinu, povećanje za 20.000,00 KM. Odlukom o rasporedu sredstava za redovnu djelatnost Mjesnih zajednica, sredstva za ovu djelatnost raspoređena su po modelu 30 % linearno i 70% po broju stanovnika u Mjesnoj zajednici.

U okviru redovnih aktivnosti održano je ukupno 94 radna sastanka sa predsjednicima ili članovima Savjeta Mjesnih zajednica na kojima je raspravljano o 65 tačaka dnevnog reda.

Pored ovoga, u saradnji sa Ambasadom lokalne demokratije i predstavnicima provincije Cremona, pokrenut je projekat „Analiza potreba i socijalna problematika općine Zavidovići“ u okviru čega su u kontaktu sa odabranim Savjetima mjesnih zajednica i identifikovana određena socijalna područja, formirana anketna pitanja i provedena anketa u Mjesnim zajednicama. Prikupljene informacije su proslijeđene na obradu u Cremonu. Ovaj projekat je još uvijek u toku.

Takođe, sa predstavnicima „Human Rights“, ured OSCE Zenica, rađeno je na temu „Ljudska prava“, „Odnos: Mjesna zajednica-općina i obratno“ i „Stepen interesovanja i samostalnog angažovanja Mjesnih zajednica prema javno ponuđenim projektima“. Ostvarena je saradnja sa nevladinim organizacijama koje egzistiraju na području općine Zavidovići u cilju uključivanja Mjesnih zajednica u projekte koje pokreću ove NVO.

Opća uprava

U okviru djelokruga rada opće uprave obavljani su poslovi građanskih stanja u pet mjesnih ureda na području općine Zavidovići, zatim obavljanje kancelarijskog poslovanja u okviru rada pisarnice i arhive za jedinstveni općinski organ, poslovi ovjere potpisa, prepisa i rukopisa kao i rad info centra. U izvještajnom periodu pisarnica je zaprimila u rad i obradila 15.046 predmeta (9.167 upravnih i 5879 vanupravnih) koje evidentirala u evidencione knjige po propisima kancelarijskog poslovanja i zajedno sa njihovim priložima elektronski ih obradila u aplikativni softver za protokol i praćenje predmeta i dokumenata. Svi predmeti i akti nastali u radu jedinstvenog općinskog organa primljeni su u arhivski depo pisarnice i sa njima je postupano u skladu sa propisima o arhivskoj gradnji.

Rad info centra stalno se unapređuje i u 2008. godini kreirani svi podnesci po kojima stranke pokreću ili iniciraju postupke pred organom uprave radi ostvarivanja svojih prava i privatnih interesa. Osim načela efikasnosti realizovana je i načelo ekonomičnosti u postupku jer je to oblik besplatne pravne pomoći građanima.

Izvršeno je 60.593 ovjera potpisa, prepisa i rukopisa.

U mjesnim uredima pruženo je 34.307 usluga građanima iz oblasti građanskih stanja. U ovom periodu aktivno su obavljani poslovi na elektronskoj obradi matičnih podataka iz evidencije građanskih stanja i do kraja godine elektronski je obradjeno 86.747 matičnih podataka. U 2008. godini trajno je riješen problem smještaja Mjesnog ureda Pašin Konak i Mjesne zajednice Pašin Konak kupovinom objekta u Pašin Konaku.

Jedinstvena pisarnica sačinila je Izvještaj o rješavanju upravnih stvari u upravnom postupku u općinskim organima i službama za upravu Općine Zavidovići u 2008. godini prema kojem je u 2008. godini zaprimljeno u rad 9.167 upravnih predmeta od kojih je riješeno 6.413 upravni predmet ili 69,96 % od ukupnog broja zaprimljenih predmeta a neriješeno je ostalo 2.754 upravna predmeta ili 30,04 % od ukupnog broja. U 2008. godini povećan je obim upravnog rješavanja u odnosu na 2007. godinu tako što je u 2008. godini zaprimljeno u rad više za 2411 upravnih predmeta ili 35,69 % u odnosu na 2007. godinu. Takođe povećan je broj riješenih upravnih predmeta u 2008. godini za 1422 upravna predmeta ili 28,49 % u odnosu na 2007. godinu.

Za potrebe Općinskog načelnika sačinjene su dvije opsežne informacije o stanju rješavanja upravnih i vanupravnih predmeta u svim općinskim službama za upravu što je doprinijelo efikasnijem rješavanju predmeta.

Zajednički poslovi

Poslovi i radni zadaci koji su u nadležnosti Službe za upravu društvenih djelatnosti i opću upravu, obavljani su u skladu sa potrebama funkcionisanja ostalih službi za upravu, Općinskog načelnika i Općinskog vijeća. U okvirima nadležnosti i postavljenim zahtjevima poduzimane su organizacione i druge aktivnosti u cilju stvaranja uslova za rad počev od obezbjeđenja funkcionisanja uređaja i instalacija u zgradi općine do obezbjeđenja zgrade, čišćenja radnog prostora, poslova ekonomata i fotokopiranja, obezbjeđenja uslova za racionalno korištenje raspoloživih motornih vozila, telefonske centrale i kontrole ulaza i izlaza kroz izvještaje operatera video nadzora i bezkontaktnih kartica.

Ostvarena je kvalitetna saradnja sa pružaocima usluga van zgrade, pripremani su javni pozivi i tenderska dokumentacija i rađeni su i drugi naloženi poslovi vezani za zaštitu imovine i funkcionalnom stvaranju uslova za rad. Vođeno je računa o imovini općine koja se nalazi u drugim prostorima. Ovim izvještajem dat je kratak sažetak rada u 2008. godini, s tim da se konstatuje da su u izvršavanju svih poslova uposleni u odjeljenju kvalitetno obavili radne zadatke bez obzira na probleme u izraženom odsustvovanju uposlenika radi bolovanja.

U okvirima mogućnosti i znanja vršene su sitne popravke u zgradi, redovno je udovoljavano zahtjevima drugih korisnika bez obzira na izražene slabosti u opremi, instalacijama i uređajima (vozila, starosti kompjutera, elektro, vodovodnih i instalacija centralnog grijanja).

Pored redovnih poslova i zadataka u 2008. godini izvršena je sanacija mokrih čvorova na III spratu općine. U ostvarivanju postavljenih zadataka već duže vrijeme se osjeća nebriga o potrebi značajnijeg intervenisanja sredstava Budžeta za rješavanje bitnih nedostataka vezanih za rad i stanje zgrade. Insistira se uporno na sanaciji stolarije, centralnog grijanja, zamjeni - nadopuni namještaja i slično. Ocjenjuje se da je, obzirom na iznesene okolnosti, ostvaren zadovoljavajući nivo vršenja usluga za ostale korisnike i stvarani su uslovi za optimalan rad ostalih službi.

3. SLUŽBA ZA UPRAVU GEODETSKIH, IMOVINSKO-PRAVNIH POSLOVA I URBANIZMA

ODSJEK ZA IMOVINSKO PRAVNE POSLOVE

U izvještajnom periodu u Odsjeku za imovinsko pravne poslove radilo je ukupno 6 izvršilaca. Ovaj izvještaj prikazan je kroz referate unutar odsjeka i to kako slijedi:

1. Referat imovinsko pravnih poslova

Na referatu imovinsko pravnih poslova radila su 4 izvršioca; šef odsjeka, stručni saradnik za pravna pitanja, samostalni referent i geometar. Na ovom referatu u 2008. godini zaprimljeno je putem pisarnice općine Zavidovići ukupno 1895 predmeta, od čega je 1644 upravna i 251 vanupravna predmeta.

Od 1895 zaprimljenih predmeta putem pisarnice u 2008 godini:

- riješeno i arhivirano je 1424 predmeta od čega 1211 upravna i 213 vanupravna predmeta, što procentualno iznosi 75 % .
- riješeno nearhivirano je 186 predmeta od čega 182 upravnih predmeta i 4 vanupravnih predmeta, što procentualno iznosi 10 %.
- neriješenih je 285 od čega 251 upravnih i 34 vanupravna predmeta, što procentualno iznosi 15 %, a što je sve prikazano u tabeli kako slijedi:

Godina	a) Zaprimljeno ukupno 1895 predmeta		b) Riješeni arhivirani- 1424		c) Riješeni nearhivirani 186		d) Neriješeni 285		Ukupno (b+c+d)
	UP	VUP	UP	VUP	UP	VUP	UP	VUP	
2008	1644	251	1211	213	182	4	251	34	1895

Napominjemo da se među neriješenih 251 upravna predmeta iz 2008. godine nalazi 57 predmeta koji se odnose na potpunu eksproprijaciju za izgradnju ceste Crnjevo-Vozuća, gdje još nije snimljen eksproprijacioni pojas te se iz navedenog razloga isti ne mogu još rješavati, kao i 103 predmeta koji se odnose na nepotpunu eksproprijaciju za izgradnju rasvjete u Vozućoj, isti su zaprimljeni u decembru 2008. godine te još nisu protekli rokovi za njihovo rješavanje, a takođe se i preostalih 91 neriješenih upravnih predmeta nalazi u postupku rješavanja.

Osim rada na zaprimljenim predmetima iz 2008. godine u izvještajnom periodu odsjek je radio i na rješavanju predmeta iz ranijih godina, a što je sve prikazano u tabeli kako slijedi:

Godina	Riješeni arhivirani		Riješeni nearhivirani		UKUPNO
	UP	VUP	UP	VUP	
2003	2				2
2004	4				4
2005	5	1			6
2006	105	1			106
2007	43	12	4		59
UKUPNO	159	14	4		177

Ovdje je potrebno napomenuti da je ovaj odsjek u 2008. godini prioritetno radio na provođenju postupaka potpune eksproprijacije za izgradnju cesta i nepotpune eksproprijacije-ustanovljenja prava služnosti za izgradnju vodo voda, kanalizacija, javne rasvjete i elektro mreže, a sve u svrhu realizacije projekata kapitalnih ulaganja za 2008. godini, a u kojim postupcima je trebalo održati usmene rasprave i u svojstvu stranaka saslušati nekoliko stotina vlasnika nekretnina.

U 2008. godini u odsjeku je stavljen akcenat na dodjelu neizgrađenog gradskog građevinskog zemljišta na korištenje radi građenja poslovnih objekata po kom osnovu je u budžet općine na ime naknada za dodijeljeno zemljište ubrano preko jedan milion KM, čime je ostvaren planirani prihod u budžetu od dodjele zemljišta u 2008. godini.

Referat imovinsko pravnih poslova obuhvata rješavanje najslabijih upravnih predmeta, koji podrazumijevaju provođenje posebnog ispitnog postupka, uključujući obavezni izlazak na lice mjesta, usmene rasprave, saslušanje stranaka, izvođenje raznih dokaza, te obavezno uključivanje rada geometra koji učestvuje u svim fazama postupka u smislu identifikacije nekretnina, davanja nalaza i mišljenja, geneze parcela, sačinjavanja skica lica mjesta po potrebi sačinjavanja prijavnog lista «B», a što je posebno izraženo u postupcima raspravljanja uzurpacije državnog zemljišta. Osim navedenih poslova geometar odsjeka je bio angažiran i na drugim redovnim geodetskim poslovima, te je stoga u 2008. godine izvršio 40 identifikacija starog i novog katastarskog operata, sačinio 14 skica lica mjesta, radio na snimanju eksproprijacionog pojasa, izdao 36 izvoda po starom katastarskom operatu, izradio 96 kopija katastarskog plana i 7 identifikacija i geneza parcela za potrebe suda a u svrhu uspostave zemljišne knjige.

Osim rješavanja po zahtjevima stranaka odsjek je radio i sljedeće poslove:

- pripreman je veliki broj odluka i rješenja za potrebe Općinskog vijeća
- rad na izdavanju uvjerenja o stanju objekta uz terenski uviđaj

U izvještajnom periodu odsjek je pripremio 38 akata koji su upućeni na razmatranje i usvajanje Općinskom vijeću i to:

1. Odluka o ukidanju statusa nepokretnosti u općoj upotrebi u k.o. Alići
2. Odluka o utvrđivanju prosječne konačne građevinske cijene m² korisne stambene površine za 2008 godinu.
3. Odluka o određivanju naknade za gradsko građevinsko zemljište koje se izuzima od ranijeg vlasnika
4. Odluka o davanju saglasnosti za sticanje nekretnina
5. Rješenje o preuzimanju iz posjeda IP «Krivaja» neizgrađenog gradskog građevinskog zemljišta označenog sa k.č. 226/1
6. Rješenje o dodjeli neizgrađenog gradskog građevinskog zemljišta na korištenje radi građenja Fazlić-Sojikić Mersihi iz Zavidovića- k.č. 15/20 k.o. Mustajbašići
7. Rješenje o dodjeli neizgrađenog gradskog građevinskog zemljišta na korištenje radi građenja Bošnjaković Đemki- k.č. 1227/26 k.o. Zavidovići

8. Rješenje o dodjeli neizgrađenog gradskog građevinskog zemljišta na korištenje radi građenja Kadrić Almiru iz Zavidovića – k.č. 1228/4 k.o. Zavidovići
9. Rješenje o dodjeli neizgrađenog gradskog građevinskog zemljišta na korištenje radi građenja Porobić Adisu iz Zavidovića- k.č. 1228/3 k.o. Zavidovići
10. Rješenje o dodjeli neizgrađenog gradskog građevinskog zemljišta na korištenje radi građenja Porobić Nusreti iz Zavidovića- 1228/2 k.o. Zavidovići
11. Zaključak o neprihvatanju ponude Božić Radojke i Topić Desanke za preuzimanje neizgrađenog gradskog građevinskog zemljišta
12. Rješenje o dodjeli neizgrađenog gradskog građevinskog zemljišta na korištenje radi građenja «Monting-Z» d.o.o. Zavidovići
13. Zaključak o neprihvatanju ponude MZ «Branilaca grada» za preuzimanje neizgrađenog gradskog građevinskog zemljišta
14. Zaključak o neprihvatanju ponude Veselinović Čede i Veselinović Petka za preuzimanje neizgrađenog gradskog građevinskog zemljišta
15. Odluka o utvrđivanju javnog interesa za izgradnju- modernizaciju lokalne ceste 8km-Mahoje na dionici Vrtače-autobuska stanica «Potok
16. Odluka o utvrđivanju javnog interesa za izgradnju- rekonstrukciju dionice ceste 4km- Mustajbašići- Brašljevine
17. Odluka o utvrđivanju javnog interesa za rekonstrukciju ceste Hajderović-Mujkić-Tursići
18. Rješenje o preuzimanju neizgrađenog gradskog građevinskog zemljišta označenog sa k.č. 227/3, k.č. 224 i k.č. 217 iz posjeda IP «Krivaja»
19. Odluka o davanju saglasnosti na promet nepokretnosti
20. Rješenje o dodjeli neizgrađenog gradskog građevinskog zemljišta na korištenje radi građenja Fazlić-Sojkić Mersihi iz Zavidovića – k.č. 15/12 k.o. Mustajbašići
21. Rješenje o dodjeli neizgrađenog gradskog građevinskog zemljišta na korištenje radi građenja Zvekić Emiru iz Zavidovića- k.č. 1228/4 k.o. Zavidovići
22. Rješenje o dodjeli neizgrađenog gradskog građevinskog zemljišta na korištenje radi građenja Porobić Nusreti iz Zavidovića- k.č. 1228/3 k.o. Zavidovići
23. Rješenje o dodjeli neizgrađenog gradskog građevinskog zemljišta na korištenje radi građenja Porobić Esadu iz Zavidovića- k.č. 1228/2 k.o. Zavidovići
24. Odluka o utvrđivanju javnog interesa za rekonstrukciju lokalne ceste Vozuća- Crnjevo
25. Odluka o utvrđivanju javnog interesa za izgradnju- rekonstrukciju vodovoda «Kuljani» u MZ «Pašin konak»
26. Odluka o utvrđivanju javnog interesa za izgradnju fekalne kanalizacione mreže u MZ «Klek», podružnica «Potklečje»
27. Odluka o utvrđivanju javnog interesa za izgradnju fekalne kanalizacione mreže u MZ «Klek», ulica «Mehmeda Spahe, naseljena mjesta Šahmanovac i Markovac
28. Odluka o utvrđivanju javnog interesa za izgradnju fekalne kanalizacione mreže u MZ «Branilaca grada», za naselje «Podubravlje»
29. Zaključak o neprihvatanju ponude Gađun Senade, Prijjić Sadete i i Ajanović Sabire za preuzimanje neizgrađenog gradskog građevinskog zemljišta
30. Odluka o ustanovljenju prava služnosti
31. Rješenje o dodjeli neizgrađenog gradskog građevinskog zemljišta na korištenje radi građenja «Robot» d.o.o. Sarajevo –k.č. 226/1 k.o. Zavidovići
32. Rješenje o odbijanju zahtjeva Hrnjić Azemine, Hrnjić Sanele i Hrnjić Suada iz Zavidovića za dodjelu neizgrađenog gradskog građevinskog zemljišta

33. Odluka o utvrđivanju javnog interesa za izgradnju javne rasvjete u naseljenom jestu «Lijeпча-Staro selo»
34. Odluka o utvrđivanju javnog interesa za izgradnju DV i STS i rekonstrukciju NNM «Vikovići»
35. Odluka o utvrđivanju javnog interesa za rekonstrukciju puta Donji Mustajbašići- Istočno krilo.
36. Odluka o davanju saglasnosti na korištenje poslovne prostorije u vlasništvu općine Zavidovići Narodnoj stranci «Radom za boljitak»- općinsko povjereništvo
37. Odluka o davanju saglasnosti na korištenje poslovne prostorije u vlasništvu općine Zavidovići BPS- Sefer Halilović- općinski odbor
38. Odluka o davanju saglasnosti na korištenje poslovne prostorije u vlasništvu općine Zavidovići NBS- općinski odbor

2. Referat provođenja promje na kroz katastarski operat

Na referatu radi jedan izvršilac:

U 2008. godini na ovom referatu zaprimljeno je ukupno 1731 predmet od čega 744 predmeta koji se odnose na provođenja promjena po službenoj dužnosti, a na osnovu rješenja o nasljeđivanju, presuda i drugih odluka, 198 prijavnih listova «B» na osnovu kojih se vrši provođenje tehničkih promjena i 789 ugovora o prometu nepokretnosti gdje se provođenje promjena vrši po zahtjevu stranaka. Od ukupnog broja zaprimljenih predmeta za provođenja promjena riješeno je 1500, dok je u postupku rješavanja 231 predmet.

Za 1500 riješenih predmeta sačinjeno je u katastarskom operatu 2737 stavki promjena, te su za svaku promjenu izdata rješenja o provedenoj promjeni.

3. Referat izdavanja posjedovnih listova

Na referatu radi 1 izvršilac

Izdato:

- 9417 prijepisa posjedovnih listova od čega 3187 po službenoj dužnosti
- 1899 uvjerenja o imovinom stanju od čega 381 po službenoj dužnosti
- 1643 narudžbenica za izradu skica od čega 25 po službenoj dužnosti
- 91 narudžbenica za identifikaciju parcela.

ODSJEK ZA URBANIZAM I GEODETSKE POSLOVE

Poslovi i zadatci koji se obavljaju u okviru ovog odsjeka svrstavaju se u oblast urbanizma i građenja gdje je poslove u izvještajnom periodu obavljalo 5 izvršioaca i 1 pripravnik dipl. ing. arh. (zajedno sa šefom odsjeka) i oblast geodetskih poslova gdje je poslove u izvještajnom periodu obavljalo 5 izvršilaca.

Ovdje je potrebno istaći da je geometar Begić Dževad u proteklom periodu najviše opsluživao Odsjek za imovinsko pravne poslove, ali je radio i na poslovima geodetskih poslova. Potrebno je napomenuti da će opsluživanje i ispomoc među ovim odsjecima biti i dalje neophodna kako bi se izvršile obaveze Službe za upravu geodetskih, imovinsko-pravnih poslova i urbanizam.

I - OBLAST GEODETSKIH POSLOVA

Poslovi i zadaci koji se odnose na geodetske poslove obavljani su prema zahtjevima korisnika usluga i odnose se na sljedeće poslove i zadatke koji su završeni : cijepanje parcela 186 predmeta, izradu kopija katastarskog plana 1802 predmeta, uplana objekata 28 predmeta, dioba 20 predmeta, identifikacija 111 predmeta, isklonjenje objekta 8 predmeta, ukрупnjavanje posjeda 6 predmeta.

Od ukupno zaprimljenih predmeta 2269 nije riješeno 36 zahtjeva i isti su u postupku rješavanja.

Predmeti koji su rješavani u oblasti katastra zaprimljeni su i arhivirani u okviru pisarnice katastra koja se vodi odvojeno od pisarnice ostalih općinskih službi. Pored ovoga dio predmeta se zadužuje putem pisarnice i u tom dijelu ukupno je zaprimljeno 153 vanupravnih od čega je riješeno 129 a u postupku rješavanja je 24 predmeta.

Pored poslova po zahtjevu stranaka vršeni su poslovi uspostave eksproprijacionog pojasa za put Mustajbašići-Vikovići i put Zavidovići-Kamenica, poslovi pripreme geodetskih podloga za izradu i provođenje Regulacionih planova, parcelacija i ažuriranje geodetskih podloga u krugu I.P. "Krivaja". Rad na vještačenjima za potrebe pravobranilaštva i vršenje geodetskih poslova za potrebe ostalih službi općine Zavidovići.

II - OBLAST URBANIZMA I GRAĐENJA

Poslovi i zadatci koji se odnose na oblast urbanizma obavljani su prema zahtjevima korisnika usluga i odnose se na sljedeće poslove i zadatke: izdavanje rješenja o urbanističkoj saglasnosti 378 predmeta, izdavanje odobrenja za građenje, tehničkih prijema i odobrenja za raskopavanje javnih gradskih površina, legalizacije 385 predmeta, izdavanje mišljenja za cijepanje, određivanje zemljišta za redovnu upotrebu zgrada, saglasnosti za privremeno priključenje na elekt. energ. mrežu, tenderi, inicijative za izmjenu planova, razna uvjerenja, potvrde i slično 148 predmeta. Iz prethodnih godina riješeno je ukupno 128 predmeta. U postupku rješavanja je 233 predmet za koje se pribavljaju potrebne saglasnosti od podnosilaca zahtjeva ili drugih nadležnih organa. Pored rješavanja po zahtjevu korisnika usluga obavljani su i ostali poslovi koji se odnose na pripremu programa, unapređivanje procesa rješavanja predmeta, izrada digitalnih podloga, zone grada, karta ulica i karta urbanih područja.

U okviru odsjeka pripremljene su sljedeće odluke koje su usvojene na sjednicama Općinskog vijeća za koje je u okviru rada odsjeka provedena izrada, javna rasprava i konačno donošenje prijedloga:

- Odluka o pristupanju izradi zmjenama i dopunama Regulacionog plana "Luke" Zavidovići

- Odluka o pristupanju izradi zmjenama i dopunama Regulacionog plana "Centar III" Zavidovići

- Odluka o usvajanju izmjena i dopuna i proširenju obuhvata Regulacionog plana "Majdanska polja" Zavidovići.

- Odluka o provođenju izmjena i dopuna i proširenju obuhvata Regulacionog plana "Majdanska polja" Zavidovići.

- Odluka o usvajanju izmjena, dopuna i proširenju obuhvata Regulacionog plana "Centar II" Zavidovići.

- Odluka o provođenju izmjena i dopuna i proširenju obuhvata Regulacionog plana "Centar II" Zavidovići.

- Odluka o usvajanju Plana privremenog zauzimanja javne gradske površine

- Odluka o određivanju naziva ulica, trgova, mostova i drugih građevina

- Odluka o izmjenama Odluke o određivanju zona.

Tokom rada u 2008. godini evidentni su bili nedostaci uzrokovani djelomično rješenom sistematizacijom, nedostatkom opreme, te unutrašnji organizacioni i tehnički nedostaci o čemu je neophodno voditi računa za još uspješniji rad u narednom periodu.

Sastavni dio izvještaja čini tabelarni prikaz rješavanja predmeta u odsjeku za urbanizam i geodetske poslove.

4. SLUŽBA ZA UPRAVU PITANJA BORACA, RASELJENIH LICA I IZBJEGLICA

Poslovi i radni zadaci Službe za upravu pitanja boraca ,raseljenih lica i izbjeglica obavljani su u skladu sa Planom i programom rada za 2008 godinu odnosno u značajnoj mjeri su ga nadmašili.

Svi zaposleni u Službi u 2008 godini, bili su angažovani i na radu u komisijama, kao što su: Komisija za dodjelu jednokratne novčane pomoći za nabavku udžbenika u osnovnim i srednjim školama, Komisija za dodjelu stipendija studentima-braniocima i članovima njihovih porodica za studijsku 2007/2008 godinu i 2008/2009. godinu, Komisija za nadzor i izvođača radova po projektu CEB II, Komisija za provođenje Javnog poziva za stambeno zbrinjavanje branilaca i članova njihovih porodica, Komisija za javne nabavke, Komisija Federalnog Ministarstva za raseljena lica, Komisiji za izbor korisnika donacija-pomoći u građevinskom materijalu i za izgradnju i sanaciju stambenih jedinica iz sredstava Ministarstva za izbjeglice i raseljena lica RS-e, Komisija za procjenu oštećenja asfaltnih i makadamskih puteva, primarnih i sekundarnih vodovoda, kanalizacija, škola, ambulanti i domova kulture za povratnike na općinu Zavidovići i različite općinske komisije.

Po potrebi su održavani sastanci sa predstavnicima boračkih udruženja. U radu Komisije za utvrđivanje programa manifestacija obilježavanja značajnih datuma i događaja iz odbrambeno-oslobodilačkog rata u Općini Zavidovići učestvovala su sva udruženja i predstavnici mjesnih zajednica, koji su obavljali poslove i zadatke u skladu sa utvrđenim Programom obilježavanja i načinom obilježavanja značajnih datuma i događaja u skladu sa Odlukom Općinskog vijeća Zavidovići.

Služba je u saradnji sa Organizacijama boračkih populacija i ratnim komadantom gospodinom Šarić Jasminom bila nosilac aktivnosti u organizaciji otvaranja Spomen obilježja. Svečano otvaranje Spomen obilježja organizovano je dana 15.04.2008 godine na kojem su pored općinskih organa vlasti prisustvovali i zvaničnici zakonodavne i izvršne vlasti Kantona, Federacije i Države BiH.

U saradnju sa ovom Službom u 2008 godini privremeno je riješeno i pitanje Spomen sobe za čije se održavanje redovno izdvajaju sredstava iz Budžeta općine Zavidovići.

Služba je uradila i Prijedlog izmjena i dopuna Zakona o vraćanju, dodjeli i prodaji stanova („Službene novine F BiH“, broj 28/05) i isti dostavila Parlamentu Federacije BiH i na još 8 (osam) adresa.

Primjenjujući i provodeći propise Služba je pored svakodnevnih aktivnosti i korespondencije sa ostalim općinskim organima, svakodnevnog rada sa velikim brojem stranaka, bila angažovana i na povratku raseljenih lica u općinu Zavidovići, rješavanju pitanja alternativnog smještaja za raseljena lica koja se ne mogu vratiti u prijeratno mjesto prebivališta, a nalaze se pod udarom Zakona o povratu i dodjeli stanova i provodila aktivnosti usmjerene na održivi povratak.

U 2008 godini zaprimljeno je 95 zahtjeva za alternativni smještaj i urađen isti broj rješenja koji su prosljeđeni Ministarstvu za raseljena lica i izbjeglice u Zenici na osnovu kojih su doznačena i sredstva. Od 95 zahtjeva pozitivno je riješeno 93, ostala 2 su odbijena zbog neispunjavanja uslova.

Urađeno je i 7 rješenja o statusu raseljenih lica i isti su prosljeđeni Ministarstvu za rad, socijalnu politiku i izbjeglice u Zenici na potvrđivanje.

Po službenoj dužnosti ukunut je status raseljenog lica za 14 porodica.

Na osnovu Javnog poziva raspisanog od strane Kantonalnog ministarstva za rad, socijalnu politiku i izbjeglice odabrana su dva korisnika za izgradnju porušenih kuća na području općine.

Slijedom toga, proveden je Javni poziv za izvođača, projektnu dokumentaciju i nadzor. Komisija je izvršila odabir projektantske firme i firme za nadzor. Urađena je projektna dokumentacija i odabran izvođač radova i započeta izgradnja.

Na osnovu Javnog poziva Fonda za povratak BiH, Služba za upravu pitanja boraca, raseljenih lica i izbjeglica uradila je i kandidovala tri Projekta infrastrukture za održivi povratak, i to „Sanacija mosta na rijeci Krivaja-Stog“, Sanacija vodovoda „Otežnja“ i „Sanacija Doma kulture sa ambulantom u Ribnici“, pri čemu je ukupna procijenjena vrijednost projekata oko 380,000,00 KM.

U toku 2008 godine započete su aktivnosti oko implementacije projekta zapošljavanja i samozapošljavanja povratnika. Nakon višemjesečnog rada na predmetnom projektu u jesen 2008 godine postignut je sporazum sa Federalnim ministarstvom i Fondom za povratak BiH o obezbjeđenju načina pomoći radi dovršetka proizvodnog objekta u Vožuću, odnosno preduzeća „Di-Marketing“ Vožuća. Uz prihvatanje od strane Federalnog ministarstva i Fonda za povratak BiH započela je realizacija ovog projekta u visini do 100.000,00 KM, a očekuje se pomoć Zeničko-dobojskog kantona uz učešće općine.

Na lični zahtjev stranaka odjavljeno je 27 raseljenih osoba iz baze DDPB-a.

U ovu Bazu podataka su unesene sve aplikacije i obrasci zahtjeva za re-registraciju, te urađena bilo pozitivna ili negativna rješenja o statusu evidentiranih u istoj.

Ukupan broj porodica sa priznatim statusom raseljene porodice sa 31.12.2008. godine je 221, odnosno 698 lica. Do povećanja broja porodica i lica sa priznatim statusom došlo je okončanjem postupaka u statusu i sravnjavanjem podataka sa ostalim Bazama podataka. U Bazi podataka nalazi se i 288 porodica kojima nije priznat status raseljene osobe.

Stalnim kontaktima sa ministarstvom u mjesecu septembru i oktobru kada počinje školska-studijska godina, sva rješenja koja su ograničena sa trajanjem školske godine, trebalo je zamijeniti novim rješenjima početkom školske 2008/2009. godine, a većina spisa korisnika porodične invalidnine još uvijek su se nalazili kod drugostepenog organa, zbog vršenja revizije rješenja, tako je od ukupno 430 rješenja koje je trebalo zamijeniti riješeno 350.

Tokom prošle godine primljeno je 37 zahtjeva za priznavanje prava na porodičnu invalidninu od strane lica koja to pravo nisu imala do sada. Pozitivno su riješena 33 zahtjeva. Po službenoj dužnosti, u predmetu porodične invalidnine korisnika, koji su to pravo ostvarili po osnovu poginulih pripadnika Armije RBiH, urađena su 204 rješenja.

Sa područja drugih općina, shodno mjesnoj nadležnosti, primljena su 2 spisa porodične invalidnine.

Po službenoj dužnosti, u predmetu porodične invalidnine korisnika, koji su to pravo ostvarili po osnovu poginulih pripadnika HVO-a, urađeno je 27 rješenja.

Uređeno, kompletirano i drugostepenom organu dostavljeno je ukupno 241 spis porodične invalidnine, zbog vršenja revizije rješenja. U ponovnom postupku doneseno je 15 rješenja.

Shodno mjesnoj nadležnosti, ova služba je drugim općinskim službama dostavila 29 predmeta porodica poginulih, za koje je urađeno isto toliko likvidacionih i matičnih kartona. Urađeno je 56 rješenja o prestanku prava na porodičnu invalidninu smrću stranke. Na osnovu zahtjeva a uvidom u predanu dokumentaciju urađeno je 27 zaključaka o odbacivanju zahtjeva.

Proveden je upravni postupak i doneseno 50 rješenja o nadoknadi štete u predmetima porodične invalidnine, a vezi sa utvrđenim preuziticima proizašlim po osnovu nezakonito isplaćenih sredstava zbog neblagovremenih dojava stranaka o promjenama koje su od uticaja na obim korištenje i prestanak prava.

Po službenoj dužnosti, u predmetu lične invalidnine korisnika, koji su to pravo ostvarili po osnovu pripadnosti Armiji R BiH, urađeno je 9 rješenja.

U predmetu lične invalidnine, koji su to pravo ostvarili kao pripadnici Armije RBiH, podneseno je 38 zahtjeva za priznavanje prava na ličnu invalidninu, koje se stiče prvi puta po tom osnovu od čega je za 27 doneseno rješenje.

Donesena su 3 rješenja o prestanku prava zbog smrti.

Na osnovu Zakona o pravima demobiliziranih branilaca i članova njihovih porodica i dostavljenih rješenja JU Službe za zapošljavanje Zeničko-dobojskog kantona o priznavanju prava na novčanu naknadu za vrijeme nezaposlenosti urađeno je još 40 rješenja o privremenoj obustavi isplate lične invalidnine, a na koja rješenja je izjavljeno i 5 žalbi, koje su proslijeđene drugostepenom organu. Na osnovu rješenja o prestanku prava na novčanu naknadu od strane Službe za zapošljavanje urađeno je 61 rješenje o ukidanju rješenja o privremenoj obustavi lične invalidnine.

U toku implementacije ovog prava došlo je do izmjene propisa što je dodatno povećalo obim poslova ove Službe, tako da su se sva rješenja o privremenoj obustavi lične invalidnine stavila van snage (donesena 193 rješenja), te se u vezi s tim ponovo uspostavljaju prava na ličnu invalidninu počev od 01.05.2008 godine, a u skladu sa Zakonom o izmjenama i dopunama Zakona o pravima branilaca i članova njihovih porodica i Instrukcije Federalnog ministarstva.

Po objavljenom oglasu za dodjelu sredstava za stambeno zbrinjavanje branilačke populacije ukupno je zaprimljeno 1015 zahtjeva, od kojih je uvidom u dokumentaciju, po Odluci Komisije, 285 zahtjeva ispunjavalo propisane uslove. Poslije provedene procedure upućeno je 285 prijedloga za dodjelu sredstava Ministarstvu za boračka pitanja, od toga je 61 zahtjev, prve i dio druge grupe, riješen pozitivno, a ostalih 224 zahtjeva čeka na odobravanje sredstava. Sa naprijed navedenim 61 korisnikom iz prve dvije grupe potpisani su ugovori u vrijednosti od 286.000 KM. U 2009. godini očekuje se potpisivanje ugovora o odobravanju sredstava za preostale bodovane korisnike. Sa općinskog budžeta odobrena je pomoć za 1 PŠ u svrhu stambenog zbrinjavanja (učešće u projektu sa Ministarstvom za boračka pitanja), a za 1 PŠ i 1 RVI-a plaćanje kirije.

Krajem 2008. godine učešće u stambenom zbrinjavanju uzelo je i Federalno ministarstvo u iznosu od 60.000,00 KM za branilačku populaciju 1. grupe (4 korisnika).

Primljeno je 115 zahtjeva za pomoć zbog teške socijalno-ekonomske situacije po Uredbi Ministarstva za boračka pitanja.

Po općinskim kriterijima podneseno je 49 zahtjeva za pomoć zbog teške socijalno-ekonomske situacije-odobreno 22 zahtjeva.

Za naknadu troškova dženaze po Uredbi Ministarstva za boračka pitanja primljen je 31 zahtjev. Od strane Ministarstva za BIZ odobreno je 9.792,25 KM, za 26 podnosioca za koje je pomoć odobrena.

Po općinskim Kriterijima za naknade troškova dženaze primljeno je 9 zahtjeva od kojih je 5 riješeno pozitivno.

Prema Kriterijima Ministarstva za boračka pitanja Zeničko-dobojskog kantona primljena su 122 zahtjeva za liječenje, svi zahtjevi su obrađeni, sačinjeni prijedlozi te dostavljani u nadležnost Ministarstvu od čega je data saglasnost po 83 predmeta.

Za naknadu troškova za liječenje i kupovinu lijekova po općinskim Kriterijima podnešena su 44 zahtjeva od kojih je 37 prihvaćeno.

Za banjisko-fizikalno liječenje primljena su 102 zahtjeva.

Positivno je riješeno 56 zahtjeva, ubrajajući i 7 pratilaca, urađena su rješenja i dostavljena podnosiocima. Za upućivanje na medicinsku rehabilitaciju 46 zahtjeva je odbijeno.

Primljeno je 6 zahtjeva za podizanje nišana/nadgrobnog spomenika u 2008. godini i sa prijedlogom za odobravanje sredstava dostavljeni su Ministarstvu za BIZ ZDK.

- 306 -

Naknada je odobrena za 4 zahtjeva iz 2008 godine, a za 2 odbijena. Po zahtjevima prenesenim iz 2007 godine naknada je odobrena za 16 zahtjeva, a za 3 zahtjeva naknada je odbijena.

Primljeno je i obrađeno 20 zahtjeva za jednokratnu novčanu pomoć iz Budžeta općine. Pomoć je odobrena za 10 podnosioca zahtjeva.

Tokom prošle godine ukupno je podneseno 87 zahtjeva za novčanu pomoć putem Fonda, od toga je 68 zahtjeva odobreno, 14 zahtjeva odbijeno, a 5 zahtjeva je preneseno u 2009. godinu.

Početakom 2008 godine realizovan je proces dodjele stipendija za studijsku 2007/2008. godinu. Na osnovu Konačne liste za studijsku 2007/2008. godinu dodijeljeno je 115 stipendija u općini Zavidovići u ukupnom iznosu od 121.250,00 KM.

Od strane Ministarstva za boračka pitanja objavljen je i konkurs za dodjelu stipendija studentima-braniocima i članovima njihovih porodica za studijsku 2008/2009. godinu u toku kojeg je primljeno 215 zahtjeva. Svi zahtjevi su kompletirani, obrađeni i izbodovani u ovoj službi, nakon čega je sačinjena Preliminarna lista. Po preispitivanju Preliminarne liste izrađena je Konačna lista na osnovu koje su donesena rješenja o dodjeli, odbijanju ili odbacivanju zahtjeva za dodjelu stipendije. Podnesene žalbe na Konačnu listu dostavljene su Ministarstvu za boračka pitanja u Zenici, na konačno rješavanje gdje će se sačiniti konačan prijedlog za zaključivanje ugovora o stipendijama, koji će biti realizovani u 2009. godini. Prema trenutnom stanju, a u vezi sa raspoloživim novčanim sredstvima očekujemo da će se zaključiti ugovori za dodjelu stipendija za studijsku 2008/2009. godinu sa 141 studentom.

U 2008 godini okončan je rad u Komisiji za dodjelu jednokratne novčane pomoći za nabavku obaveznih udžbenika u osnovnim i srednjim školama. Po javnom konkursu zaprimljeno je 450 zahtjeva, od kojih je pomoć ostvarilo 412 korisnika za koje je odobreno 47.600,00 KM.

U prethodnoj godini urađeno je 12 obračuna ličnih i porodičnih invalidnina, te je prepis baze podataka i dokumentacija dostavljena Ministarstvu za boračka pitanja Zeničko-dobojskog kantona. Nakon izrade svakog obračuna dostavljen je izvještaj bankama i mikro-kreditnim organizacijama o uplaćenim ratama kredita, a Organizaciji porodica šehida i poginulih boraca i Organizaciji ratnih vojnih invalida o uplaćenju članarini korisnika porodične i lične invalidnine. Pri obračunu za mjesec decembar broj korisnika je bio 1 628.

Obrađeno je i 398 obrazaca za kredit korisnicima lične i porodične invalidnine za mikro-kreditne organizacije po osnovu jemstva i ličnog korištenja kredita.

Tokom 2008. godine svakodnevno je vršen unos svih rješenja korisnika lične i porodične invalidnine koja su urađena u toku godine za koje revizija ne odlaže izvršenje rješenja u programu IIS BIZ i sva rješenja koja su pristigla sa revizije od nadležnih ministarstava. Po osnovu svih unesenih rješenja izvršen je obračun i knjiženje ličnih i porodičnih invalidnina. Za 200 korisnika kredita kod Unikredit banke izvršene su izmjene brojeva partija kredita i administrativnih zabrana u kartonu obustava.

Na osnovu Zakona o upravnom postupku u prethodnoj godini izdato je 220 uvjerenja o statusu raseljenog lica, 498 uvjerenja RVI-ima i 3.579 uvjerenja o iznosima primanja i pripadnosti boračkoj populaciji. Izdano je 310 potvrda za raseljena lica i izbjeglice na zahtjev stranke. Iz navedenog proizilazi da je ukupno izdato 4.607 uvjerenja i potvrda, odnosno u prosjeku po 18 uvjerenja i potvrda dnevno.

Tokom 2008 godine obrađeno je ukupno 25 zahtjeva za zdravstveno osiguranje ratnih vojnih invalida i porodica šehida koji ostvaruju prava putem naše Službe, te 17 odjava sa zdravstvenog osiguranja.

Obrađena su i 52 zahtjeva za zdravstveno osiguranje za pripadnike demobilisanih boraca, a prema Odluci o proširenom obimu prava iz oblasti zdravstvene zaštite za branioce i članove njihovih porodica.

Na osnovu službene evidencije u 2008. godini zaprimljeno je 2384 predmeta i ostalih akata, a otpremljeno 3248 otpravaka.

U 2008. godini Uredbom o dodjeli kredita za zapošljavanje branilaca i članova njihovih porodica („Službene novine Zeničko-dobojskog kantona“, broj 3/08), pokrenuta je aktivnost ostvarivanja prava na dodjelu kreditnih sredstava u svrhu trajnog zapošljavanja branilaca i članova njihovih porodica. Tokom 2008 godine podneseno je 9 zahtjeva za dodjelu kredita od strane zainteresovanih lica. Poslije obrade predmeta u Službi za upravu pitanja boraca, raseljenih lica i izbjeglica i davanja pozitivne preporuke na osnovu procjene kvaliteta ponuđenog investicionog programa Komisija Ministarstva za boračka pitanja Kantona razmatra podnesene zahtjeve i daje prijedloge o dodjeli kredita Ministru koji odlučuje o dodjeli a Služba za upravu pitanja boraca, raseljenih lica i izbjeglica donosi rješenje. Kredit je u 2008 godini dodjeljen za 3 lica u iznosu od po 20.000,00 KM, a pozitivan ishod očekuje se za još 2 zahtjeva.

Svi navedeni zahtjevi, predmeti, javni pozivi itd. obrađivani su i vođeni uz primjenu ZUP-a, odnosno okončavaju se donošenjem upravnog akta.

Značajno je napomenuti da svi zaposleni u Službi svakodnevno obavljaju razgovore i uzimaju izjave sa velikim brojem stranaka, koje se obraćaju za pomoć ili traže informaciju. Uzećemo za primjer da je rukovodilac Službe obavljao razgovor sa do 200 stranaka mjesečno.

5. SLUŽBA ZA UPRAVU CIVILNE ZAŠTITE

UVOD

Izvještaj o radu Službe za upravu civilne zaštite za 2008. godinu rađen je na osnovu Programa rada Službe, Programa rada Općinskog načelnika i Programa rada Općinskog vijeća Zavidovići.

Prema Pravilniku o unutrašnjoj organizaciji jedinstvenog Općinskog organa uprave i posebnih službi općine Zavidovići („Službeni glasnik općine Zavidovići“, broj: 6/05, 1/06, 12/06, 11/07, 7/08 i 9/08), Služba za upravu civilne zaštite poslove iz svoje nadležnosti obavlja preko dvije organizacione jedinice i to:

- Odsjeka civilne zaštite
- Profesionalne vatrogasne jedinice.

U službi je ukupno sistematizovano 12 sa ukupno 27 izvršilaca, i sva radna mjesta su trenutno popunjena, s tim što je 9 izvršilaca u Profesionalnoj vatrogasnoj jedinici sa radom počelo 01.01.2009. godine.

Radeći na poslovima i radnim zadacima državni službenici i namještenici u Službi za upravu civilne zaštite su izvršavali zadatke koji su za općinski nivo vlasti propisani Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj: 39/03 i 22/06) i Zakona o zaštiti od požara Zeničko – dobojskog kantona („Službene novine Zeničko – dobojskog kantona“, broj: 4/04) i podzakonskih akata donesenih na osnovu ovih i drugih zakona.

Civilna zaštita (CZ) je oblik pripremanja i sudjelovanja svih nosilaca poslova i zadataka zaštite i spašavanja. Civilna zaštita obuhvata planiranje, organiziranje, obučavanje, osposobljavanje i usavršavanje, programiranje, provođenje, nadzor i finansiranje aktivnosti, nabavku opreme i sredstava i provođenje mjera prevencije, pripravnosti i zaštite i spašavanja od prirodnih i drugih nesreća, s ciljem sprječavanja opasnosti, smanjenja broja nesreća i žrtava, te otklanjanje i ublažavanje štetnih djelovanja i posljedica prirodnih i drugih nesreća.

Oblast deminiranja

Što se tiče deminiranja terena na području naše općine u 2007. godini prioritet je dat lokalitetu Dolova iz razloga izgradnje stambenih jedinica za romsku populaciju naše općine. Nakon urađenog i prihvaćenog projekta deminiranja tog područja, izviđanjem terena ustanovljeno je da bi se još jednim projektom zaokružila cjelina deminirane teritorije te otklonila opasnost po stanovništvo naselja Dolova i Lovnice. Na osnovu toga urađen je projekat od strane BH MAC-a RU Tuzla i deminiranje Dolova izvršeno je od strane Oružanih snaga Bosne i Hercegovine. Treba napomenuti da smo za 2008. godinu uradili 45 prijedloga projekata deminiranja, koji su dostavljeni KU CZ Zenica i RU BH MAC-a Tuzla i obzirom na dosadašnju dobru suradnju sa Oružanim snagama BiH konačno je deminiran putni pojas uz desnu obalu rijeke Krivaja.

U toku 2007. godine deminirano je ukupno 182.365,06 m² površine, koje se odnose na lokalitete: Pašinkonak (36.097,47m²), Čukure-Kamenica (5890,68m²), Dolovi (70.189,05m²), Prisjeka3 (27.889,33m²) i Lovnica (16.298,53m²).

Tokom 2008. godine u saradnji sa PU Zavidovićima i građanima prikupljeno NUS-a i MES-a po vrsti i količini kako slijedi:

NUS-a MES-a:

MUNICIJA:

MTS-a:

Ukupno: 101 komad

Ukupno: 990 komada

Ukupno: 120 komada

Vatrogastvo

U skladu sa članom 42. Zakona o zaštiti i spašavanju ljudi materijalnih dobara od prirodnih i drugih nesreća, a na osnovu vremenskih nepogoda tokom ljetnih mjeseci (visokih temperatura i suše) na teritoriji naše općine preduzeto je niz mjera na preventivnom djelovanju. Pored medijskog obraćanja i upozorenja stanovništvu kontaktirane su i strukture Civilne zaštite po Mjesnim zajednicama kao i sa institucijama i ustanovama. Imajući sve navedeno u vidu u prošloj godini nismo imali ni jedan požar većih razmjera.

Ukupno je bilo 36 vatrogasnih intervencija i to, 15 na području grad, 20 na seoskom području i (1) jedna intervencija u preduzeću Krivaja. Pored ovih aktivnosti vatrogasna jedinica je imala 13 tehničkih intervencija u gradskom području (uklanjanje oborenih drveća, zamjena sijalica na gradskoj rasvjeti i sportskoj dvorani idr.), 3 asistencije na vodi (PU Žepče, selo Papratnica, uklanjanje olupinam/v izvode ispod mosta 328 b.br. i uklanjanje trupca ispod mosta 328 b.br.), transport vode za piće (Paravci), zalivanje vodom zelenih površina i čišćenje spomenika (pranje spomenika, čišćenje fontana i čupanje trave), čišćenje i pregled hidrantske mreže u gradu i očitavanje vodomjera. Na sjednici Općinskog štaba civilne zaštite predloženo je da se područja koja su pogođena sušom kontinuirano snabdijevaju vodom dok za to postoji potreba, kako bi se spriječile zaraze i epidemije stanovništva. U saradnji sa JKP »Radnik« voda je dostavljena na najugrožena područja.

Bitno je napomeniti da je u 2008. godini izvršeno popunjavanje Općinske vatrogasne jedinice.

Finansiranje zaštite od požara

Kao nosilac aktivnosti na izradi rješenja za plaćanje naknade za finansiranje zaštite od požara općine Zavidovići (Općinsko vijeće Zavidovići je na 15. sjednici, održanoj dana 16.12.2005. godine donijelo "Odluku o finansiranju zaštite od požara općine Zavidovići.") Služba za upravu civilne zaštite pristupila je izradi Rješenja za plaćanje naknada za finansiranje zaštite od požara svim subjektima koji podliježu toj obavezi, te je koristeći se podacima Komisije za utvrđivanje neto korisne površine i Službe za upravu ekonomskih poslova i poduzetništva izdala ukupno 582 rješenja sa ukupnim iznosom za naplatu od 45.590,49 KM.

Operativni centar

Općinski operativni centar tokom cijele godine vršio je prikupljanje, obradu i distribuciju podataka o svim prirodnim i drugim nesrećama na području općine i te podatke i informacije dostavlja nadležnim organima općine i kantonalnom operativnom centru CZ, a prema potrebi i Federalnom operativnom centru CZ, ostvarivao stalni kontakt sa operativnim centrima CZ susjednih općina i sa kantonalnim operativnim centrom CZ u vezi međusobnog dostavljanja potrebnih podataka i informacija o prirodnim i drugim nesrećama i postupka po nalogima i zahtjevima kantonalnog operativnog centra CZ. Pored toga vršena je stalna provjera radio-komunikacijske opreme te ostvarena veoma dobra saradnja sa udruženjima građana a naročito SNIK "ATOM", Rafting klubom i Radio amaterima.

Ostale aktivnosti

Pored navedenih aktivnosti Služba za upravu civilne zaštite općine Zavidovići vršila je svoje redovne aktivnosti koje obuhvataju: Provođenje i primjena zakonskih propisa koji regulišu oblast zaštite i spašavanja ljudi i materijalnih dobara, Implementacija i inoviranje propisa koje donosi Općinsko vijeće, Organizovanje struktura civilne zaštite u pravnim licima na području Općine čije kadrovske i materijalne mogućnosti omogućavaju takvu organizaciju, Organizovanje kampanje za prikupljanje municije, minsko eksplozivnih i ubojnih sredstava i opreme zaostale iz rata u skladu sa Zakonom o amnestiji za dobrovoljnu predaju navedenih sredstava, Organizovanje i izvođenje akcije "Žetva" sa ostalim nosiocima ove aktivnosti, Uspostava i povezivanje sa subjektima mjesnih zajednica na teritoriji Općine na UKT opsegu. Izrada godišnjeg plana nabavke i održavanja materijalno tehničkih sredstava za Službe zaštite i spašavanja, jedinica, štabova i povjerenika civilne zaštite u skladu sa Programom razvoja zaštite i spašavanja za 2008. godinu, Popuna i podmlađivanje jedinica opće i specijalizovane namjene, štabova i povjerenika civilne zaštite, Donošenje Plana zaštite i spašavanja Općine na osnovu propisa koji regulišu ovu oblast, Obuka jedinica, štabova i povjerenika civilne zaštite i stanovništva u skladu sa Programom obučavanja i osposobljavanja koji donose viši organi civilne zaštite, Obučavanje i osposobljavanje putem seminara u organizaciji Kantonalne i Federalne uprave civilne zaštite za lica u Službi civilne zaštite Općine, Provođenje mjera zaštite i spašavanja ljudi i materijalnih dobara u skladu sa Zakonom, a koji su u nadležnosti Općine, Učešće u ekspertnim timovima i komisijama po pitanju provođenja mjera zaštite i spašavanja, Izrada i dostavljanje izvještaja i informacija Općinskom vijeću i općinskom načelniku, te pretpostavljenoj Kantonalnoj i Federalnoj upravi civilne zaštite, Pružanje pomoći u radu specijalizovanih društvenih udruženja (vatrogasci, radio amateri, izviđači, planinari i Crveni križ), Priprema i izrada planskih i općih dokumenata za Općinski štab civilne zaštite za 2007. godinu, Informisanje javnosti o akcijama i postignutim rezultatima iz djelokruga rada Redovna aktivnost Općinskog štaba civilne zaštite podrazumijeva komunikacije i saradnju sa Općinskim organima uprave, privrednim i drugim strukturama na općini, te udovoljavanje zahtjevima pretpostavljenih institucija kao i saradnju sa potčinjenim subjektima u sistemu civilne zaštite.

6. KABINET OPĆINSKOG NAČELNIKA

U toku 2008. godine iz oblasti radno pravnih odnosa riješeno je 282 upravnih predmeta, 67 vanupravnih predmeta i 20 predmeta u drugostepenom postupku.

U toku 2008. godine u općinskom organu uprave Općine Zavidovići bilo je zaposleno 112 zaposlenika.

- 310 -

U toku 2008. godine izvršen je prijem putem Agencije za državnu službu FBiH 2 državna službenika (VSS), 2 pripravnika VSS sprema i 12 namještenika (vatrogasci), kao i 10 namještenika (9 vatrogasaca i 1 SSS) koji su zasnovali radni odnos počev od 01.01.2009. godine, što znači da je ukupan broj uposlenih na dan 01.01.2009. godine 122 uposlenika.

U toku 2008. godine u općinskom organu uprave Općine Zavidovići bilo je zaposleno 111 zaposlenika.

U toku 2008. godine izvršen je prijem putem Agencije za državnu službu FBiH 2 pripravnika VSS sprema i 2 namještenika (vatrogasci).

U toku 2008. godine primljeno je pet volontera, koji se osposobljavaju za polaganje stručnog ispita za rad u državnim organima.

U toku 2008. godine provedena je procedura javnog oglasa za popunu 9 upražnjenih radnih mjesta u Profesionalnoj vatrogasnoj jedinici.

U toku 2008. godine vršena je saradnja sa Agencijom za državnu službu u dostavljanju podataka i informacija, kao i sa ostalim institucijama koji imaju nadležnost u okviru radno pravnih odnosa.

U periodu od 01.01.2008. godine do 31.12.2008. godine zaprimljeno je 3.491 predmeta, koji su riješeni.

U istom periodu kod Općinskog načelnika zaprimljeno je 450 zahtjeva za prijem stranaka, a pored stranaka koje su imale pismene zahtjeve, vršen je prijem stranaka i bez zahtjeva (oko 100-150 stranaka). Pored stranaka vršen je prijem predstavnika udruženja građana, preduzeća, predstavnika mjesnih zajednica.

U toku navedene godine od 01.01.2008. godine do 31.12.2008. godine rađeni su poslovi na pripremi donošenja rješenja iz radnog pravnog odnosa.

Izdato je ukupno 729 radnih knjižica, od toga 35 duplikata. U periodu od 01.01.2008. godine do 31.12.2008. godine podnešeno i riješeno zahtjeva za izdavanje radne knjižice sa evidencije trajno čuvanih dokumenata, zahtjeva za promjenu prezimena, ispravku greške u pisanju i računanju u radnim knjižicama građana, upis novih zanimanja u postojeće radne knjižice. Takvih zahtjeva evidentirano je za 2008. godinu ukupno 657, isti su riješeni i arhivirani kod organa.

Izdato je uvjerenja iz evidencije o radnim odnosima za državne službenike i namještenike ukupno 25. Ista su se izdavala u svrhu regulisanja penzije, prijave na konkurs za zaposlenje, prijave na konkurs za stan, telefon, kredit, vizu.

Urađene su evidencije M4 za 2008. godinu za zaposlene (obrađa podataka o datumu zaposlenja, radnom stažu i godini, datumu prestanka u godini, matičnom broju PIO, šifri službe i dr.)

Osim navedenih poslova radilo se na izdavanju zdravstvenih knjižica, prijavljivanju na penziono osiguranje, zdravstveno osiguranje službenika općinskih organa odnosno registraciji organa kod službe za statistiku i PIO, odjavljivanju sa osiguranja po prestanku radnog odnosa, korespondenciji sa Biroom za zapošljavanje po pitanju prijave slobodnih radnih mjesta po raspisanim konkursima, izvještajima o primljenim kandidatima.

Takođe je rađeno na ažuriranju postojeće evidencije odnosno održavanju personalne evidencije, formiranju i vođenju dosijea službenika i utvrđivanju istih, odnosno unošenje podataka i promjena za sve službenike od zasnivanja radnog odnosa, raspoređivanja odnosno kretanja u službi do prestanka radnog odnosa. Pored kompjuterske obrade podataka o službenicima vodi se matična knjiga uposlenih.

Iz naprijed navedenih podataka može se zaključiti da je primljeno 1386 stranaka računajući samo rad na opsluživanju građana i njihovih potreba iz oblasti radnih odnosa.

- 311 -

U toku 2008. godine Općinsko vijeće Zavidovići je održalo 14 redovnih sjednica, od kojih 11 u starom sazivu Općinskog vijeća i 3 radne sjednice Općinskog vijeća, od kojih je jedna konstituirajuća, a koje su održane nakon provedenih lokalnih izbora.

Na 14 sjednica Općinskog vijeća razmotreno je 185 tačaka dnevnog reda.

Programom rada Općinskog vijeća Zavidovići za 2008. godinu planirano je razmatranje 63 materijala, a Općinsko vijeće Zavidovići razmatralo je 185 tačaka dnevnog reda, što je više za 122 materijala.

U toku izvještajnog perioda Kolegij Općinskog vijeća je održao 15 sjednica sa 17 tačaka, Komisija za propise i statut je održala 16 sjednica sa 116 tačaka, Komisija za budžet i finansije održala 11 sjednica sa 48 tačaka, Komisija za izbor i imenovanja održala je 3 sjednice sa 11 tačaka, Komisija za prostorno uređenje i urbanizam održala je 6 sjednica sa 23 tačke, Komisija za žalbe, predstavke i prijedloge održala je 2 sjednice sa 8 tačaka, Komisija za odlikovanja i javna priznanja održala je 3 sjednice sa 3 tačke, Mandatno-imunitetska komisija održala je 2 sjednice sa 2 tačke, Verifikaciona Komisija održala je 1 sjednicu sa 1 tačkom, Komisija za jednakopravnost spolova održala je 2 sjednice sa 7 tačaka, Komisija za pitanje mladih održala je 3 sjednice sa 4 tačke, Drugostepena komisija za rješavanje po žalbama uložnim na prvostepena rješenja održala je 8 sjednica sa 32 tačke, Etička komisija održala je 3 sjednice sa 7 tačaka.

U toku 2008. godine izdato je 13 brojeva „Službenog glasnika općine Zavidovići“ i Registar objavljenih propisa i akata za 2008. godinu. Ukupno je objavljeno propisa i akata 188 na 705 stranica.

OPĆINSKI NAČELNIK

(M.P.)

Hakija Osmić, dipl.ecc., s.r.